

1 Tesalonaika

Pol mĭj ned ak Tesalonaika bin bĭ kĭrop ñu kĭl tĭkak

¹ Cĭn Pol, Sailas, Timoti, nĭbep Bapi God Bĭ Kĭb Jisas Krais apĭl mal bin bĭ kĭri taun kĭb Tesalonaika mĭdebĭm okok, mĭj nĭbaul ñu kĭl tĭkobĭn.

God nĭbep yĭmĭg nĭŋĭl dĭ tep gek, mĭd tep gĭnĭmĭb.

Tesalonaika bin bĭ Krais nop nĭŋ dĭl cĭg tep gĭlak

² Cĭn sobok gĭl, nĭbep magĭlsek per nep God nop tep apĭn.

³ Cĭn Bapi God nop sobok gĭl, per nep nĭbep gos nĭŋĭl, nĭbi titi gĭl rek gĭpĭm ak gos nĭŋĭl, God nop tep apĭn. Nĭbi Bĭ Kĭb cĭn Jisas Krais nop nĭŋ dĭl cĭg tep gĭl, nop wĭg gĭ tep gĭpĭm; nĭbi Bĭ Kĭb cĭn Jisas Krais nop mĭdmagĭl lĭl, kĭlĭs gĭl nop wĭg gĭlĭg gĭ mĭdebĭm; nĭbi Bĭ Kĭb cĭn Jisas Krais eip karĭp lĭm seb kab ar alan sĭŋak amĭl tap tep dĭnĭgabĭn, agĭl, mĭker apek gos par ma nĭpĭm.

⁴ Ai mam tep. Cĭn nĭpĭn nĭbi me, God mĭdmagĭl lĭl bin bĭ ne ke dĭp bin bĭ okok mĭdebĭm.

⁵ Cĭn Krais mĭnĭm tep ne ak dam karĭp nĭbi okok amĭl, nĭbep mĭnĭm magĭl nep ma ag ñĭnok. Kaun Sĭŋ ne cĭnop nab adan mĭdĭl, kĭlĭs ne cĭnop ñek nĭŋlĭg gĭ, Krais mĭnĭm tep ak mĭnĭm nĭŋĭd yĭb mĭdeb agĭl, nĭbep mĭnĭm yĭpĭd gĭl yĭb ak ag ñon nĭŋ dĭpek. Nĭbep eip kĭn mĭdolĭgĭpĭn ak,

nibep nen agil nig gilig gi midoligipin ak, nibi ke bir nipim.

⁶ Bi Kib goligip ak ninil, cin ke goligipin ak ninil, nibi nib aknib rek nep gi midoligipim. Nibi koslam yib midoligipim pen Kaun Siη ne gek, nibi Krai minim tep ak ninil, miñ miñ gilig gi nin di midoligipim.

⁷ Nig gilig gi tep goligipim nibak, Krai bin bi ne Masedonia Propins midelak okok abe, Akaia Propins midelak okok abe ninil, nib aknib rek nep gi tep gi midelak.

⁸ Nibi God nop nin dipek ak, minim nibak amil amil, Masedonia Propins, Akaia Propins okok nep mer, karip lim tigon tigon magilsek amek ninlig gi bin bi okok magilsek bir nipal.

⁹ Nib ak, cin karip lim ognap amjakon, bin bi nib okok ke kesim dil apal, “Tesalonaika bin bi kirop minim tep ak ag nibek, nibep di tep gil, tap esek sobok goligipal okok kirig gil, God ninid per komin mideb ak nop nin dil, ne ageb rek nep gil,

¹⁰ Ni ne Jisas kimek, God gek warikak ak, seb kab ar alan sihak nib adik gi onigab, agil, kod midebal,” apal. Jisas cinop nen agil kimak ak me, God kal juil pen yur kib ninigab ak ma dinigabin.

2

Pol Tesalonaika midil Bi Kib nop wög gak

¹ Ai mam sikop, nibi ke nipim, ned karip nibep onok ak, yokop ma onok.

² Taun kib Pilipai ned amil ag non, bin bi ognap cinop minim timel agil gi timel gilak ak pen God cinop kod midil gi nek, gilak nibak gos par ma

nin̄il, Tesalonaika am̄il n̄ibep Kraiſ m̄in̄im tep ak ag ñon, c̄inop ak rek nep ḡi timel ḡilak ak pen abramek ag ñi midonok.

³ M̄in̄im n̄ibep ag ñib̄in ak sidol ḡil, gos timel nin̄il, tom aḡil, ma ag ñib̄in.

⁴ Kraiſ m̄in̄im tep dad am̄imel, aḡil, God ne ke c̄inop ag lek, m̄in̄im tep n̄ibak ag ñib̄in. Kraiſ m̄in̄im ag ñon, bin b̄i okok nin̄el, kirop tep gaŋ aḡil ma ḡip̄in; God ne nin̄ek, nop tep gaŋ aḡil ḡip̄in. God ne nep gos midmaḡil c̄in nab adan̄ titi rek ḡi midob̄in ak nin̄ip.

⁵ N̄ibi ke n̄ip̄im, n̄ibep tep ḡin̄im̄iŋ aḡil m̄in̄im k̄il tep ognap n̄ibep ma ag ñinok; mani tap okok d̄in aḡil m̄in̄im ma ag ñinok. God ne ak rek nep nin̄ip.

⁶ N̄ibi Tesalonaika bin b̄i ȳib c̄inop agem ar amnan̄ aḡil m̄in̄im ma ag ñinok. Bin b̄i ognap okok ȳib c̄inop agel ar amnan̄ aḡil m̄in̄im ma ag ñinok.

⁷ B̄i Kraiſ m̄in̄im dad ameb midob̄in rek, n̄ibep m̄in̄im kasek ag ñeb rek, pen c̄in ma agnok. Bin okok ñi painan̄ k̄iri d̄i tep ḡipal rek ak, n̄ibep m̄in̄im sisain tep aḡil d̄i tep ḡinok.

⁸ N̄ibep midmaḡil ȳib li midol̄iḡip̄in. God M̄in̄im tep ne ak n̄ibep ag ñon, c̄inop ñag pak lin̄ig geblap ma k̄ir̄ig ḡipnop. N̄ibi ai mam midmaḡil c̄in me.

⁹ Ai mam s̄ikop, n̄ibi n̄ip̄im, n̄ibep eip k̄in mid̄il w̄ög k̄il̄is ḡil koslam midol̄iḡip̄in. N̄ibep eip k̄in mid̄il, God m̄in̄im tep ne ak n̄ibep ag ñi aj̄il, koslam tap maḡil c̄inop pag dap ñin̄igal, aḡil, p̄ib nab k̄isl̄im eyan̄ mani w̄ög rek ḡil tap ñibol̄iḡip̄in.

10 Nibi nɪpɪm, cɪn nɪbep bin bɪ Kraiss nop nɪŋ dɪpɪm okok eip mɪdlɪg gɪ, nɪbep gɪ tep nep gɪl, bɪ asɪŋ ma mɪdeb, bɪ mɪnɪm alap ma mɪdeb rek nep mɪdonok. God ne ke ak rek nep nɪŋɪp.

11 Nibi nɪpɪm, bɪñen sɪkop ñɪ pai kɪri ke ag ñɪ tep gɪpal rek nɪbep goliɪgɪpɪn.

12 God nɪbep dek, bin bɪ ne nep melɪk sek mɪdenɪgabɪm. Nɪb ak, nɪbi God gɪp nɪbak nɪŋɪl, gos nɪŋ tep gɪl, nag tep ar ak nep gɪ mɪdenɪmɪb, agɪl, nɪbep mɪnɪm sɪsain ag ñoliɪgɪpɪn. Nɪbi gos sek mɪdɪl, nɪbep gɪ tɪmel gɪlak ak gos par ma nɪŋɪl, kɪlɪs gɪl, nag tep ar ak ma kɪrɪg gɪnɪmɪb, agɪl, mɪnɪm nɪbak rek nɪbep ag ñoliɪgɪpɪn.

13 Nɪbep God mɪnɪm tep ne ag ñon nɪŋɪl, mɪnɪm kɪri ke nep ma agebal, God mɪnɪm ne ke agebal, agɪl, nɪŋ dɪpek. Nɪŋɪd me, mɪnɪm ag ñɪbɪn ak, God mɪnɪm komɪŋ gos mɪdmagɪl nɪbep nab adanɪgek, magɪl pɪlɪp. Nɪb ak, cɪn per nep God nop tep aglɪg gɪ mɪdobɪn.

14 Pen ai mam sɪkop. Kraiss bin bɪ ne karɪp lɪm Judia okok cɔc ke ke okok ap mogɪm gɪl God nop sobok gelak, Juda bin bɪ okok kɪrop gɪ tɪmel gɪlak rek nep, bin bɪ nɪbi ke Tesalonaika okok nɪbep ak rek nep gɪlak.

15 Juda bin bɪ okok kɪri God mɪnɪm agep bɪ okok kɪrop ñag pak lɪl, Bɪ Kɪb Jisas nop ñag pak lɪl, cɪnop yɪk gɪ yoklak. God kɪrop nɪŋɪl mɪñ mɪñ ma gɪp. Kɪri bin bɪ okok magɪlsek nɪŋel mɪlɪk yowɪp.

16 Kraiss nop nɪŋ del kɪrop komɪŋ kɪsen ñɪnɪgab, agɪl, Kraiss mɪnɪm tep ne ak Juda bin bɪ mer okok kɪrop ag ñon, Juda bin bɪ okok kal juɪl, cɪnop kanɪb uren gɪpal. Gɪpal nɪbak, kɪri per nep tap si tap tɪmel goliɪgɪpal rek nep gɪ dam dam damlɪg

gi amek, tap si tap timel kiri asmen kib yib rek mideb. Pen miñi God kirok kal juil gek miker kib yib kirok owip.

Pol, nibep kauyan am niñin, agak

¹⁷ Ai mam sikop. Nibep eip kin midon, Juda bin bi cinop yik gi yoklak ak, mapin gek niñlig gi midobin. Miñ gon cin siñaul midobin pen gos cin nibep eip mideb. Nib ak, nibep kauyan am niñin, agil, gos ak nep niñ midobin.

¹⁸ Nibep am niñin ag gos niñil, yad Pol, ñin omal aka omal nokim onigain agnek, pen Seten cinop kanib komib.

¹⁹ Nibi gipim rek niñil cin gos sek midobin; nibi gipim rek niñil miñ miñ gilig gi midobin; nibi gipim rek niñil, Bi Kib cin Jisas onigab ñin ak, minim tep nak ag ñon magil pilip me aul, agnigabin.

²⁰ Nibep nep gos niñil, miñ miñ gilig gi, tep aglig gi nep midobin.

3

¹ Pen nibep mapin niñil am niñin agil, kasek am niñep rek ma lek, yad Pol, Sailas, cir mal taun kib Atens midil,

²⁻³ mam cin Timoti, cir eip God nop wög gil, Krai minim tep ne ak ag ñi tagip ak, nop ag yokor nak. Nibep gi timel gel, bin bi ognap Krai nop kirig ginimel rek lip, Timoti amil, nibep eip kin midil Krai minim tep ak ag ñi tep gek, nibi Krai nop niñ di kilis gil, gos sek midenimib, agil, nop ag yokor nak. Pen nibi nipim, Krai bin bi ne midobin rek, cinop gi timel gel miker dinigabin.

⁴ Cın nı̄bep eip kın mı̄dı̄l, cınop gı̄ tı̄mel gını̄gal agnok ak, kırı̄ nı̄b aknı̄b rek nep gı̄pal ak bı̄r nı̄pım.

⁵ Nı̄g gelak, yad nı̄bep yımı̄g yı̄b nı̄ı̄l, gos par nı̄ı̄l, titi gı̄l mı̄debım ak nı̄ı̄nı̄mı̄ı̄n agı̄l, Timoti nop ag yoknek. Gos yad nı̄ı̄nek ak, Seten ne nı̄bep lı̄p gek mınım koslam ag ñon nı̄pım ak kırı̄g gınımı̄b rek lı̄p, ag gos nı̄ı̄nek.

Timoti adık gı̄ apı̄l, mı̄d tep gı̄pım, agak

⁶ Pen Timoti nı̄bep am nı̄ı̄l adık apı̄l agı̄p, nı̄bi Kraıs nop nı̄ı̄ dı̄l cı̄g tep gı̄l, bin bı̄ okok kırı̄p mı̄dmagı̄l lı̄l, cı̄rop mal gos nı̄ı̄lı̄g gı̄ mı̄ñ mı̄ñ gı̄pım. Cı̄r mal par sı̄ı̄ aul mı̄dı̄l, nı̄bep yımı̄g nı̄pır rek, nı̄bi pen ak rek nep karı̄p lım nı̄bi ke okok mı̄dı̄l, cı̄rop mal yımı̄g nı̄pım, agı̄p.

⁷ Pen cınop gı̄ tı̄mel gel mı̄d tep ma gınok ñın ak, Timoti apı̄l, nı̄bi Kraıs nop nı̄ı̄ dı̄ kılı̄s gı̄pım mınım ak agek, cınop mı̄dmagı̄l pılı̄s gı̄ ar ar gı̄p.

⁸ Nı̄bi Bı̄ Kı̄b cı̄g tep gı̄l nop eip jım ñı̄l mı̄debım ak nı̄ı̄l, cın komı̄ı̄n yı̄b nep mı̄dobın.

⁹ Mı̄d tep gı̄pım ak nı̄ı̄l, God nop tep agobın. God ne gek, nı̄bep gos nı̄ı̄l, mı̄ñ mı̄ñ yı̄b gı̄pın. Nı̄b ak, nop tep aglı̄g gı̄ mı̄dobın.

¹⁰ Kauyan am nı̄bep nı̄ı̄l, Kraıs mınım tep ak ag ñon Kraıs nop nı̄ı̄ dı̄ kılı̄s gınımı̄b, agı̄l, kılı̄s gı̄l God nop pı̄b nab kılı̄m eyan sobok gı̄lı̄g gı̄ mı̄dobın.

¹¹ Nı̄b ak, Bapi God ne ke abe, Bı̄ Kı̄b cın Jı̄sas abe cınop kanı̄b yı̄ker, mı̄debım sı̄ı̄ak nını̄gabın.

¹² Cın nı̄bep mı̄dmagı̄l yı̄b lı̄pın rek, Bı̄ Kı̄b nı̄bep gı̄ ñek, nı̄bi ke ak rek nep pen

pen midmagil lil, bin bi okok kirop magilsek midmagil lil ginimib.

¹³ Bi Kib Jisas nibep kilis ne nil kod mid damil, bin bi si ne okok magilsek dil adik gi onigab nin ak, ne apil nibep dek, nibi God Bapi cin udin yirik ar ne sihak, minim alap ma midek bin bi si ne midenigabim.

4

God nop tep ginimij ar ak nep ginimib

¹ Ai mam sikop. Nibep eip kin midonok nin ak, nibi titi gil God nop tep ginigab nag ar ak nep ginigabim ak nibep ag ninok. Minim ag ninok ak nibi dil nib aknib rek nep gilig gi midebim. Pen mni cin Bi Kib Jisas bin bi ne midobin rek, yad nibep agebin, nibi gi tep gipim ak, mni ar nibak nep kilis gil tapin nep gem amnimij.

² Bi Kib Jisas cinop agek nibep minim tari tari ag ninok ak nibi bir nipim.

³ God nop tep ginigab ak, nibi bin bi ke komij tep midil, bin si bi si ma ginigabim.

⁴ Nibi magilsek, God nop tep ginigab nag ar ak nep mib gon nibi kod mid tep gem, bin bi okok nijel nibep minim alap ma midenigab.

⁵ Bin bi God nop ma nipal okok, gos timel nijil bin si bi si din agil gi tapal rek ma ginimib.

⁶ Pen nibi Krai bin bi ai mam okok tap kirop pil gi ma dinimib. Bin bi ognap nig genigal ak, Bi Kib magilsek nijil kirop pen yur ninigab. Minim nibak nibep ned ag ni tep gipin.

⁷ Tap si tap timel gım, agıl, God cınop mınım tep ne agıl ma dak; gı tep gılig gı nep mıdıl, bin bı sıñ mıdem, agıl, cınop dak.

⁸ Nıb ak, bin bı mınım agobın nıb aul yo nıñnıgal okok, cınop ma yo nıñnıgal; God nop yo nıñnıgal. Pen God ne Kaun Sıñ ne nıbep ñeb.

⁹ Krais bin bı ai mam okok kırop mıdmagıl lım, agıl, mınım ak ñu kıl ma tıkjın. God nıbep gos tep ñek, nıbi ke nıñıl bır pen pen mıdmagıl lıpım.

¹⁰ Krais bin bı ne Masedonia Propins mıdebal okok magılsek ak rek nep bır mıdmagıl lıpım. Pen nıbep mınım kılıs agıl agobın, kılıs gıl per nep nag ar nıbak nep gem amek kıb amnımıñ.

¹¹⁻¹² Pen nıbep ned agnok rek, bin bı okok eip kapkap mıd tep gın, agıl gem amnımıñ. Wög wari nıbi okok ke gıl tap ñıñnımıb. Nıb ak, tap magıl, mani tap nıbi okok ke mıdek nıñlıg gı, tap asıb ma ag nıñenıgabım me, bin bı Krais nop ma nıpal okok, nıbep nıñel tep gınıgab.

Bı Kıb adık gı onıgab

¹³ Pen ai mam sıkop. Nıbep mınım alap ag ñı tep gınıgaun. Bin bı nıbi ognap kımel, pıs nep kımbal agıl, bin bı ognap yımıg gek sıl apal rek ma gınımıb.

¹⁴ Jisas kımak ak, God gek warıkıl komıñ mıdeb, agıl nıpın rek, bin bı Jisas nop nıñ dıl kımbal okok, Jisas adık gı onıgab ñın ak, God ne gek, Jisas bin bı ne kımbal nıb okok kausek onıgab, agıl nıpın.

¹⁵ Pen Bı Kıb ne ke mınım ag ñolıgıp rek nıpın, ñın kisen nıbak cın bin bı komıñ mıdon nıñlıg

gi Bî Kîb adik gi onigab okok, bin bi ned kîmlak okok kîrop ma yem gi amnigabîn.

¹⁶ Mînim kîb alap seb kab ar alañ nîb agek, ejol magîlsek okok kod mîdeb ejol kîb ak sîk gaul gek nîñlig gi, God akîl magîl ak agek nîñlig gi, Bî Kîb ne ke seb kab ar alañ sîjak nîb onigab. Bî Kîb apek, bin bi Kraîs nop nîñ dîl kîmbal okok ned warîknîgal.

¹⁷ Kîri warîknîgal nîñîl God ne cînop bin bi ne komîñ mîdenigabîn okok kîrop eip ulîk nab sak gek, seb kab alañ ap ran jak amîl Bî Kîb eip mogîm gînigabîn. Nîb ak, cîn Bî Kîb eip per nep per nep mîdonigabîn.

¹⁸ Nîb ak, mînim agobîn nîb aul pen pen ag amîl apîl gîl, gos sek mîdenîmîb.

5

Bî Kîb cîn adik gi onigab ak nîñîl mîd tep gîl kod mîdojîñ

¹ Pen ai mam sîkop. Bî Kîb ne ñîñ akal onigab, bin bi tap tari gel nîñlig gi onigab ak, nîbep ma agjîñ.

² Nîbi ke nîpîm, Bî Kîb onigab ak, nop kod mîdenîgal ñîñ ak ma onigab. Bî tap si dep okok bin bi kîñ ambal won ak opal rek ak onigab.

³ Mîñî kapkap mîd tep gîpîñ, cînop mîñî tap alap ma gînigab, agnîgal ñîñ ak nep kasek apek, gos par yîb nîñnîgal. Bin ñî painañ tîk donîg gek yur gîp rek ak gînigab; kasek nep yur tîmel dîl pîrîk gi amnîmel rek ma lînigab.

⁴ Pen ai mam sîkop. Bî tap si dep okok apîl karîp nap bi del, mîdmagîl kîri pîlîs gînigab. Pen

nibi kislīm pīs sīḡak ma mīdebīm rek, ñin kib nibak apek, mīdmagīl nībep pīlīs ma gīnīmīḡ.

⁵ Nibi magīlsek melīk ñī pai mīdebīm; nībi magīlsek pīb nab ñī pai mīdebīm. Cīn kislīm ñī pai mer; cīn kīlīp ñī pai mer.

⁶ Bin bī ognap wīsīn kīnbal rek ma mīdojīn; gos nīḡ tep gīl, gos tīmīd sek mīdojīn.

⁷ Bin bī wīsīn kīnbal okok, kislīm eyaḡ nep kīnbal. Bin bī ñīḡ kīlīs ñībīl saköl ñāpal okok, kislīm eyaḡ nep gīpal.

⁸ Pen cīn bin bī pīb nab tapīn okok, gos nīḡlīḡ gī mīdon. God Mīnīm nīḡ dīlīḡ gī, God nop mīdmagīl līlīḡ gī mīdon; nīḡ gon, sior kīlīs ami bī tol gī līpal rek, pabīl bak cīn sīḡak mīdenīgab. Bī Kīb cīn Jīsas Kraīs eip karīp līm seb kab ar alaḡ sīḡak amīl tap tep dīnīgabīn nīpīn ak, gos nīḡlīḡ gī mīdon; nīḡ gon, usajīl kīlīs bad ami bī tol gī līpal rek, nabīc cōḡ ar cīn mīdenīgab.

⁹ Tari gīnīḡ: God cīnop gak ak, yur kīb dīnīmēl, agīl ma gak; Bī Kīb cīn Jīsas Kraīs gek, karīp līm seb kab ar alaḡ sīḡak amīl per nep nop eip komīḡ mīdenīmēl, agīl gak.

¹⁰ Kraīs cīnop nen agīl kīmāk ak, komīḡ mīdon onīgab aka kīmīl mīdon onīgab ak mīnīm ma mīdeb; cīn amīl per per nep ne eip komīḡ mīdenīgabīn.

¹¹ Nīb ak, nībi Kraīs bin bī ne pen pen Kraīs mīnīm tep ak ag ñīl, nīḡ dī kīlīs gīl, gos sek mīdenīmīb. Pen agesīn aul nībi ke nīb aknīb rek nep bīr gīpīm.

¹² Ai mam sīkop. Bī kib nībep koslam wōḡ gī ñīlīḡ gī, mīnīm tīḡ bīloklīḡ gī, mīnīm ag ñīlīḡ gī

midebal okok, kirop di rep ginimib.

¹³ God ke agek wög gipal ak, kirop midmagil lil di rep ginimib. Pen nibi magilsek kapkap jim ñil midenimib.

¹⁴ Ai mam sikop niñim. Bin bi wög ma gil mid tep ma gipal okok kirop minim kilis agnimib. Bin bi mapin gek gos par li midebal okok kirop minim sisain agil ag ñi tep ginimib. Bin bi sain okok kirop gi ñinimib. Bin bi okok magilsek kirop per nep minim sisain agil kapkap midenimib.

¹⁵ Bin bi ognap nibep gi timel genimel, pen gi timel ma ginimib. Pen pen di tep gil, pen pen gi tep ginimib. Pen bigi sikop okok abe, kirop magilsek nib aknib rek nep gi tep ginimib.

¹⁶ Per nep miñ miñ gilig gi midenimib;

¹⁷ per nep God nop sobok gilig gi midenimib;

¹⁸ tap tari tari nibep ginimij ak, ñin per per nep God nop tep aglig gi midenimib. Krais Jisas bin bi ne midil nig gilig gi midem me, God nop tep ginigab.

¹⁹ God Kaun cinop gos ñinimij agil niñlig gi midenimib.

²⁰ Bin bi God minim agep okok minim agenimel ma kirig ginimib.

²¹ Pen bin bi ognap tom agnimel rek lip ak, niñ tep yib ginimib. God Minim yipid gil ak agenimel niñil dinimib; esek agenimel niñil ma dinimib.

²² Nag timel ar ognap ma ginimib.

²³ God cinop bin bi di tep gek kapkap mid tep gipin ak, ne ke nibep kod midlig gi gek, nibi bin bi ke komij tep ne midenigabim. God ne ke

gek, Bì Kìb cìn Jisas Krais onígab ñìn ak, kaun nìbi okok, gos tímíd mídmagìl nìbi okok, mib goṅ nìbi okok magìsek, asiṅ sìkol acìb eñap ma mìdonìmìṅ.

²⁴ God nìbep mìnìm tep ne agìp ak, mìnìm ne ageb ar aknìb rek nep gìp. Nìb ak nìpìn, sìnṅaul agesin rek nìbep gìnìgab.

²⁵ Ai mam sìkop. Cìnop gos nìṅìl, God nop sobok gìnìmìb.

²⁶ Nìbi Bì Kìb nop nìṅ dìpìm rek, Krais bin bì ai mam magìsek pen pen ag wasu dìlìg gì, mìkem bom sìlokni mìb.

²⁷ Bì Kìb cìn ak nìṅ mìdeb rek nìbep agebin, mìnìm ñu kíl tìkesin nìbaul, ai mam okok kìrop magìsek udìn lì agem nìṅnìmel.

²⁸ Bì Kìb cìn Jisas Krais nìbep mapìn nìṅìl, dì tep gìlìg gì mìdonìmìṅ.

MINIM KOMIN
The New Testament in the Minimib dialect of the
Kalam language of Papua New Guinea
Nupela Testamen long tokples Minimib long Niugini
copyright © 2008 Wycliffe Bible Translators, Inc.

Language: Minimib (Minimib dialect of Kalam)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 18 Apr 2025 from source files dated 31 Aug 2023
c3b0a7e5-6c23-5e97-9419-62054c911996